



Nuuk 30. februar 2015

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Naalakkersuisut siulittaasuat Qanoruumi februarip 12-ani 2015-mi aallakaatinneqartumi Nick Nielsen-mut saaffiginnissuteqarnermi naqqiissuteqarnissamik piumasaqarnermik paasisariaqartoq oqaatigivaa, kaammattuu-taannaangitsumik. Naalakkersuisut siulittaasuat naqqiissuteqaqqusinerminut toqqaannartumik oqarpoq "tassani Naalakkersuisut siulittaasuanninngaaniit imatut peqquneqarami naqqiissummik, tassa kissaateqarsimavunga". Naalakkersuisut siulittaasuat taama oqarsimanini suli attatiinnarpaa?**
- 2. Naalakkersuisut siulittaasuata suli attatiinnarpaa 12. Februar oqaaseqarnermini naqqiissummik suli utaaqqinerarluni, taamatummi peqqusisimanerami? Naalakkersuisut siulittaasuata Qanorooq-mut oqaaseqarnermini ima oqarami: "naqqiissummillu ulloq tikillugu pissarsinikuunngilanga taannalu taamatut piumasaqaateqarneq Naalakkersuisooqatigiit akornanni apuussassaq, takutitassaq, tamannalu pinngitsoorpoq".**
- 3. Naalakkersuisut siulittaasuata itisilersinnaavaa sunarpiaq naalakkersuisooqatigiinnut ingerlateqqinneqassanersoq aamma sooq?**
- 4. Naalakkersuisut siulittaasuata aamma attatiinnarpaa Nick Nielsen kamaannerarlugu imatut oqarnermigut "Ersarissumik oqariartuutigissavara soorunami kamaappara tassani naqqiissummik piumasaqarlunga taanna najoqqutaralugu oqaluunneq ingerlattussaassavarput, tassanerpiaq, taannarpiaq".**
- 5. Siunissami Naalakkersuisut siulittaasuata folketingimi ilaasortat kamaakkaangamigit qanoq pissuseqarfigissamaarpai? Naalakkersuisut siulittaasuata folketingimi ilaasortat nammineq partiimineersut imaluuniit partiinit allaneersuuppata immikkoortittarniarpai?**  
(Inatsisartuni ilaasortaq Naaja H. Nathaniseln, Inuit Ataqatigiit)

### **Tunggavilersuut:**

Inatsisartut ombudsmandiata Folketingimi ilaasortaasimasup Nick Nielsen-ip maalaaruteqarnera sularisimalerpaa. Tassani pineqarpoq Naalakkersuisut siulittaasuata Folketingimut ilaasortamut naqqiissuteqaqqusisinaanersoq. Suliami pineqarpoq Nick Nielsenip folketingip oqaluttarfianiit Pituffik pillugu oqaatigisimasaanut. Oqaatigineqartut Naalakkersuisup siulittaasuata naammaginngisai, taamaattumillu e-mail-ikkut kissaateqarsimavoq Nick Nielsen oqaatigisimasaminut naqqiissuteqassasoq. Inatsisartut Ombudsmandiata maalaarut ilalinngilaa

e-mail-i naqqiissuteqarnissamik piunasaqarnermik imaqaangimmat, kisiannili oqaatigisima-  
saanut naqqiissuteqarnissamik kaammattutaasimanerarlugu.

Kisianni Qanoruumi februarip 12-ni 2015-mi aallakaatinneqartumi Naalakkersuisut  
siulittaasuata arlaleriarluni oqaatigaa naq qiissuteqaqqusinini piunasaqataataasoq.  
Taamaattumik isumaga naapertorlugu pisoq paatsuunganartoqarpoq.

Naalakkersuisup siulittaasuata e-maili pillugu erseqqissumik imaattoqartoq oqaatigivaa.

- E-mail-i atorfilittamit nassiunneqarpoq Naalakkersuisut siulittaasua sinnerlugu
- E-mail-i nassiunneqarpoq naalakkersuisut siulittaasuattut, Siumut siulittaasuatuun-  
ngitsoq.

Taamatut iliornermigut Naalakkersuisut siulittaasua nunatta siuttuatut ima inissippoq  
qinikkamik naqqiissummik piunasaqarsinnaalluni. Qinigaq tunngaviusumik inatsimmit  
illersorneqartoq folketingimi ilaasortatut.

Taamaammatt apeqqutigissallugu pisariaqalerpoq, Naalakkersuisut siulittaasuata siunissami  
pissaanini taamatut atonerluttarniarneraa, imaluunniit Nunatsinnit qinikkat tunngaviusumik  
inatsimmit illersugaallutik sulinertik nangissinnaaneraat.

Apeqqutit ullut suliffiusut qulit qaangiutsinnagit akineqarsimanissaat kissaatigaara.